



Broj: 01-50-1-15-15/24
Sarajevo, 30. 1. 2024.

PRIMLJENO: 13-02-2024			
Organizaciona jedinica	Klasifikaciona oznaka	Redni broj	Broj priloga

B

ZAPISNIK
15. sjednice Predstavničkog doma
Parlamentarne skupštine Bosne i Hercegovine,
održane 30. 1. 2024.

Sjednica je počela u 12.10 sati. Prisustvovalo je 40 poslanika.

Odsustvovali su Šemsudin Mehmedović i Denijal Tulumović.

Sjednici su prisustvovali: predsjedavajuća Vijeća ministara BiH Borjana Krišto, ministar pravde BiH Davor Bunoza, ministar komunikacija i prometa BiH Edin Forto i zamjenica ministra za ljudska prava i izbjeglice BiH Duška Jurišić.

Sjednicu su pratili predstavnici Ureda za reviziju institucija BiH. Iz međunarodnih organizacija sjednicu su pratili predstavnici OSCE-a i Vijeća Evrope, te predstavnici Ambasade Hrvatske u Sarajevu.

Predsjedavajući je rekao da će, u skladu s članom 167. Poslovnika, na početku sjednice, prije rasprave o dnevnom redu, poslanicima biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najavu za postavljanje poslaničkog pitanja u usmenoj formi dostavili su:

- **Albin Muslić** – ministru finansija i trezora BiH,
- **Denis Zvizdić** – predsjedavajućoj Vijeća ministara BiH,
- **Ermina Salkičević-Dizdarević** – ministru vanjske trgovine i ekonomskih odnosa BiH,
- **Jasmin Emrić** – ministru vanjskih poslova BiH.

Najave su, u skladu s članom 168. stav (2) Poslovnika, dostavljene predsjedavajućoj Vijeća ministara BiH i onom članu Vijeća ministara BiH na koga se pitanja odnose. Predsjedavajući je podsjetio na to da je osiguran i direktan TV-prijenos ovog dijela sjednice, u skladu s članom 167. stav (1) Poslovnika.

Sadržaj postavljenih pitanja je sljedeći: ¹

¹ Sadržaj pitanja preuzet je iz neautoriziranog transkripta 15. sjednice Predstavničkog doma.

Albin Muslić

„Pitanje postavljam ministru finansija i trezora BiH, a tiče se prikupljanja akciza i putarina u BiH. Naime, koliko je prikupljeno u protekloj 2023. godini prihoda po osnovu akciza i putarina u BiH, gdje su prihodi prikupljeni? Pritom mislim na Federaciju BiH, Republiku Srpsku i Brčko Distrikt BiH i na koji način je izvršena raspodjela predmetnih prihoda prema Federaciji BiH, Republici Srpskoj, odnosno Brčko Distriktu BiH? Također, zanima me koliko je akumuliranih sredstava, dakle neraspoređenih ostvareno tokom 2023. godine?“

S obzirom na to da sjednici nije prisustvovao ministar finansija i trezora BiH Srđan Amidžić, potrebno je da se odgovor na pitanje dostavi u pisanoj formi.

Denis Zvizdić

„Moje pitanje glasi: Kada će biti uspostavljen odgovarajući oblik međudržavne prekogranične saradnje između Bosne i Hercegovine, Republike Srbije i Crne Gore po pitanju ogromne količine smeća koja se trenutno nalazi u slivu rijeke Drine što predstavlja potencijalnu ekološku katastrofu? Imajući u vidu da sjednici ne prisustvuje predsjedavajuća kao ni ministar Košarac ili ministar Nešić, ja ću tražiti da dobijem odgovor na ovo pitanje u pisanoj formi.“

Odgovor na pitanje dala je predsjedavajuća Vijeća ministara BiH Borjana Krišto.

Ermina Salkičević-Dizdarević

„Moje pitanje se tiče zakona o klimi, odnosno donošenja zakona o klimi na nivou BiH. S obzirom na to da je zakon o klimi jedno pravno pitanje kao regulativa regulirano i prioritetima od strane Evropske komisije i proizlazi iz naših obaveza po dokumentu koji nam je Evropska komisija prosljedila. Također, pitanje klimatskih promjena postoji i kao međunarodna obaveza BiH po Okvirnoj konvenciji Ujedinjenih naroda o klimatskim promjenama, ali i kao obaveza iz ugovora o energetske zajednici gdje BiH potpisnica obje konvencije i ta dva, znači, međunarodna sporazuma, a u ime BiH potpis je stavilo Ministarstvo vanjske trgovine i ekonomskih odnosa. Također, zakon o klimi je i dio Zelene agende za Zapadni Balkan gdje BiH je zaista opredijeljena, barem po toj agendi, za preduzimanje određenih aktivnosti koje bi morale biti definirane u ovoj oblasti i stoga ja ovo pitanje postavljam Ministarstvu vanjske trgovine i ekonomskih odnosa, a s obzirom da ministar Košarac evo opet nije na današnjoj sjednici, tražit ću da mi se odgovor dostavi u pisanoj formi, a pitanje glasi ovako – Koje aktivnosti su preduzete, koje aktivnosti se provode i šta imaju u planu Ministarstvo vanjske trgovine i ekonomskih odnosa za provoditi u narednom periodu, a tiče se definiranja pravnog okvira BiH uzimajući u obzir sve ove međunarodne sporazume i međunarodne obaveze koje su proizašle iz tih obavezujućih međunarodnih sporazuma za državu BiH? Zaista ću zamoliti ministra, odnosno Ministarstvo za vrlo konkretan i precizan odgovor koji treba da oslikava isključivo aktivnosti Ministarstva vanjske trgovine i ekonomskih odnosa i da odgovor na opterećuju nikakvim focal pointima i entitetskim nadležnostima nego onima što jeste u nadležnosti Ministarstva vanjske trgovine i ekonomskih odnosa, odnosno države BiH.“

S obzirom na to da sjednici nije prisustvovao ministar vanjske trgovine i ekonomskih odnosa BiH Staša Košarac, Ermina Salkičević-Dizdarević zatražila je da se odgovor na pitanje dostavi u pisanoj formi.

Jasmin Emrić

„Ja sam 31. jula prošle godine postavio poslaničko pitanje u pisanoj formi Ministarstvu vanjskih poslova BiH u vezi s ulaskom i letenjem u zračnom prostoru BiH državnog zrakoplova Republike Srbije, odnosno helikoptera SUPER PUMA Ministarstva unutrašnjih poslova Republike Srbije koji je 24. jula prošle godine ušao u zračni prostor BiH i izvršio slijetanje, te narednog dana, 25. jula, izvršio više letova u zračnom prostoru BiH. Na to postavljeno pitanje u pisanoj formi od Ministarstva vanjskih poslova ni nakon šest mjeseci još nisam dobio nikakav odgovor. S obzirom na to da članom 7. stav (7) Zakona o zrakoplovstvu BiH utvrđeno da se državnim zrakoplovima smatraju, u skladu s međunarodnim ugovorima, zrakoplovi koji se upotrebljavaju u vojne, carinske ili policijske svrhe, nesumnjivo je da se u konkretnom slučaju radi o stranom državnom zrakoplovu, odnosno zrakoplovu koji se upotrebljava u policijske svrhe strane države. Članom 7. stav (6) Zakona o zrakoplovstvu BiH određeno je da Ministarstvo vanjskih poslova BiH izdaje dozvole za slijetanje stranih državnih zrakoplova u BiH ili prelete stranih državnih zrakoplova koji nemaju namjeru slijetanja u BiH. Također i članom 4. Pravilnika o odobravanju letova određeno je da letenje državnih zrakoplova u zračnom prostoru BiH odobrava Ministarstvo vanjskih poslova. S tim u vezi postavljam pitanje ministru vanjskih poslova BiH ili predstavniku Ministarstva ukoliko je prisutan – Da li je Ministarstvo vanjskih poslova u konkretnom slučaju izdalo dozvolu za slijetanje i letenje u zračnom prostoru BiH državnim zrakoplovu Republike Srbije, odnosno helikopteru SUPER PUMA Ministarstva unutrašnjih poslova Republike Srbije, te ukoliko nije izdana dozvola, šta ste nakon toga preduzeli kako bi ubuduće spriječili i zaštitili suverenitet zračnog prostora BiH?“

S obzirom na to da sjednici nije prisustvovao ministar vanjskih poslova BiH Elmedin Konaković, potrebno je da se odgovor na pitanje dostavi u pisanoj formi.

Predsjedavajući je, povodom utvrđivanja dnevnog reda, rekao sljedeće:

S dnevnog reda skinute su prijašnje tačke:

- **Tačka 17.** Poslanička inicijativa Nihada Omerovića prema Vijeću ministara BiH, kojom se traži uvođenje automatskog prosljeđivanja SMS poruke za državljane koji putuju izvan granica Bosne i Hercegovine, broj: 01-50-1-2552/23 od 11. 12. 2023. – na zahtjev Komisije za saobraćaj i komunikacije.

- **Tačka 18.** Poslanička inicijativa Šemsudina Mehmedovića za obavljanje nezavisne eksterne revizije rada Uprave za indirektno oporezivanje, kao i revizije prikupljanja i raspodjele prihoda koje vrši Uprava za indirektno oporezivanje BiH“, broj: 01-50-1-2555/23 od 11. 12. 2023;
- **Tačka 19.** Poslanička inicijativa Šemsudina Mehmedovića kojom se obavezuje šest institucija Bosne i Hercegovine sa sjedištem u Sarajevu da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine, broj: 01-50-1-2554/23 od 11. 12. 2023;
- **Tačka 20.** Poslanička inicijativa Šemsudina Mehmedovića kojom se obavezuju četiri institucije Bosne i Hercegovine sa sjedištem u Mostaru da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine“, broj: 01-50-1-2557/23 od 11. 12. 2023. i
- **Tačka 21.** Poslanička inicijativa Šemsudina Mehmedovića kojom se obavezuje pet institucija Bosne i Hercegovine sa sjedištem u Republici Srpskoj da osiguraju odgovarajuću nacionalnu zastupljenost državnih službenika u skladu sa Zakonom o upravi i Zakonom o državnoj službi“, broj: 01-50-1-2558/23 od 11. 12. 2023, skinute su na zahtjev predlagača.

Dodata je:

- **Tačka 23.** Davanje saglasnosti za ratifikaciju Sporazuma o zajmu (Dodatno finansiranje za program integriranog razvoja koridora Save i Drine primjenom višefaznog programskog pristupa) između Bosne i Hercegovine i Međunarodne banke za obnovu i razvoj (95670-BA), broj: 01,02-21-1-213/24 od 25. 1. 2024.

U raspravi o dnevnom redu učestvovali su: Midhat Čaušević, Šerif Špago i Zlatan Begić.

Predsjedavajući je konstatirao da 15. sjednica Predstavničkog doma ima sljedeći

DNEVNI RED

1. Usvajanje zapisnika 14, 9. i 10. hitne sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjenama i dopuni Zakona o Visokom sudskom i tužilačkom vijeću Bosne i Hercegovine, predlagač: Vijeće ministara BiH, sa zahtjevom za razmatranje po hitnom postupku, u skladu s članom 133. Poslovnika, broj: 01,02-02-1-141/24 od 16. 1. 2024;

4. Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, predlažać: Vijeće ministara BiH, sa zahtjevom za razmatranje po hitnom postupku, u skladu s članom 133. Poslovnika, broj: 01,02-02-1-167/24 od 17. 1. 2024;
5. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlažać: Vijeće ministara BiH, broj: 01,02-02-1-166/24 od 17. 1. 2024. (prvo čitanje);
6. Izvještaj komisije Kolegija o nastojanju za postizanje saglasnosti o prijedlogu da se Prijedlog zakona o Vrhovnom sudu Bosne i Hercegovine, predlažać: Denis Zvizdić, razmatra po skraćenom postupku, u skladu s članom 132. Poslovnika, broj: 01-02-1-2286/23 od 25. 12. 2023;
7. Izvještaj komisije Kolegija o nastojanju za postizanje saglasnosti o prijedlogu da se Prijedlog zakona o dopuni Zakona o strancima, predlažać: Nihad Omerović, razmatra po skraćenom postupku, u skladu s članom 132. Poslovnika, broj: 01-02-1-2349/23 od 25. 12. 2023;
8. Izvještaj komisije Kolegija o nastojanju za postizanje saglasnosti o Izvještaju o provođenju zakona iz nadležnosti Centralne izborne komisije Bosne i Hercegovine u 2022, podnosilac: Centralna izborna komisija BiH, broj: 01,02-50-18-2408/23 od 25. 12. 2023;
9. Izvještaj komisije Kolegija o nastojanju za postizanje saglasnosti o Izvještaju o provođenju Opštih izbora 2022, podnosilac: Centralna izborna komisija BiH, broj: 01,02-50-18-2409/23 od 25. 12. 2023;
10. Izvještaj komisije Kolegija o nastojanju za postizanje saglasnosti o prijedlogu zaključka poslanika Nihada Omerovića, broj: 01-02-1-2687/23 od 3. 1. 2024;
11. Izvještaj o izdatim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i roba posebne namjene za 2019. godinu i Izvještaj o realizaciji izdatih isprava za vanjskotrgovinski promet oružja, vojne opreme i roba posebne namjene za 2019. godinu, podnosilac: Vijeće ministara BiH, broj: 01,02-03-2549/23 od 8. 12. 2023;
12. Izvještaj o provedenoj reviziji učinka o temi: „Aktivnosti institucija BiH na pripremi i nadzoru provođenja planova integriteta“, podnosilac: Ured za reviziju institucija BiH, broj: 01-16-10-2179/22 od 26. 12. 2022;
13. Izvještaj o izvršenoj reviziji učinka o temi: „Aktivnosti institucija BiH na osiguravanju rodne ravnopravnosti“, podnosilac: Ured za reviziju institucija BiH, broj: 01-16-10-2675/23 od 21. 12. 2023;
14. Izvještaj o izvršenoj reviziji učinka o temi: „Uvođenje softverskih rješenja“, podnosilac: Ured za reviziju institucija BiH, broj: 01-16-10-2676/23 od 21. 12. 2023;
15. Godišnji izvještaj iz oblasti poljoprivrede, ishrane i ruralnog razvoja BiH za 2022, podnosilac: Ministarstvo vanjske trgovine i ekonomskih odnosa BiH, broj: 01,02-28-2721/23 od 26. 12. 2023;
16. Poslanička inicijativa Predraga Kojovića, Sabine Ćudić i Aide Baručije kojom se zadužuje Vijeće ministara BiH i nadležno Ministarstvo sigurnosti BiH da, u roku od 60 dana od usvajanja ove inicijative, omogući uvođenje u upotrebu javnog sistema obavještanja o nestanku djece „Amber alert“ na teritoriji Bosne i Hercegovine“, broj: 01-50-1-2389/23 od 16. 11. 2023;

17. Davanje saglasnosti za ratifikaciju Amandmana broj 2 na Ugovor o finansiranju – Koridor 5c, Počitelj – Bijača između Bosne i Hercegovine i Evropske investicione banke od 11. 11. 2014, izmijenjen 25. 9. 2018, broj operacije (SERAPIS br: 2013-0476), ugovor broj (FI br: 83.975), broj: 01,02-21-1-2693/23 od 22. 12. 2023;
18. Davanje saglasnosti za ratifikaciju Memoranduma o razumijevanju između Vijeća ministara Bosne i Hercegovine i Vlade Ujedinjenih Arapskih Emirata o uzajamnom izuzeću od zahtjeva za ulaznu vizu, broj: 01,02-21-1-2695/23 od 22. 12. 2023;
19. Davanje saglasnosti za ratifikaciju Sporazuma o finansiranju Godišnjeg akcionog plana za Bosnu i Hercegovinu za 2022. između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, broj: 01,02-21-1-2696/23 od 22. 12. 2023;
20. Davanje saglasnosti za ratifikaciju Protokola uz Sporazum o međunarodnom povremenom prijevozu putnika putničkim i običnim autobusima (Sporazum INTERBUS) vezano za međunarodni linijski i poseban linijski prijevoz putnika putničkim i običnim autobusima, broj: 01,02-21-1-73/24 od 5. 1. 2024;
21. Davanje saglasnosti za ratifikaciju Ugovora o izmjenama i dopunama br. 1 na Ugovor o zajmu od 12. 4. 2022. (Zeleni gradovi 2 – Window II Vodovod Brčko) između Bosne i Hercegovine i Evropske banke za obnovu i razvoj (52273), broj: 01,02-21-1-126/24 od 12. 1. 2024;
22. Davanje saglasnosti za ratifikaciju Ugovora o zajmu (Koridor 5c – Projekat Mostar Sjever – Mostar Jug) između Bosne i Hercegovine i Evropske banke za obnovu i razvoj, broj: 01,02-21-1-127/24 od 12. 1. 2024;
23. Davanje saglasnosti za ratifikaciju Sporazuma o zajmu (Dodatno finansiranje za program integriranog razvoja koridora Save i Drine primjenom višefaznog programskog pristupa) između Bosne i Hercegovine i Međunarodne banke za obnovu i razvoj (95670-BA), broj: 01,02-21-1-213/24 od 25. 1. 2024.

**Ad.1. Usvajanje zapisnika 14, 9. i 10. hitne sjednice Predstavničkog doma
Parlamentarne skupštine BiH**

Predsjedavajući je dao uvodne napomene. Nije bilo rasprave.

Zapisnik 14. sjednice Predstavničkog doma usvojen je s 36 glasova „za“ (iz Federacije BiH 25, iz Republike Srpske 11), jednim „protiv“ i bez glasova „suzdržan“.

Zapisnik 9. hitne sjednice Predstavničkog doma usvojen je s 36 glasova „za“ (iz Federacije BiH 25, iz Republike Srpske 11), jednim „protiv“ i bez glasova „suzdržan“.

Zapisnik 10. hitne sjednice Predstavničkog doma usvojen je s 36 glasova „za“ (iz Federacije BiH 25, iz Republike Srpske 11), jednim „protiv“ i bez glasova „suzdržan“.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Predstavničkog doma pitanja u pisanoj formi postavili poslanici:

- Šemsudin Mehmedović – postavio dva pitanja i zatražio upućivanje urgencije za dostavljanje odgovora,
- Šemsudin Dedić – postavio dva pitanja,
- Aida Baručija – postavila dva pitanja,
- Ermina Salkičević-Dizdarević – postavila dva pitanja,
- Šerif Špago – postavio šest pitanja,
- Sanja Vulić - zatražila upućivanje urgencija za dostavljanje odgovora,
- po jedno pitanje postavili su: Milan Dunović, Rejhana Dervišević, Sanja Vulić, Denis Zvizdić i Darko Babalj.

Do današnje sjednice dostavljeni su sljedeći odgovori:

- na pitanja Saše Magazinovića dostavljeno je devet odgovora,
- na pitanja Ermine Salkičević-Dizdarević dostavljena su četiri odgovora,
- na pitanja Mije Karamahić-Abazović dostavljeno je 25 odgovora,
- na pitanja Šemsudina Dedića dostavljeno je 11 odgovora,
- na pitanja Šemsudina Mehmedovića dostavljena su 63 odgovora,
- na pitanja Rejhane Dervišević dostavljena su dva odgovora,
- na pitanja Aide Baručije dostavljeno je 28 odgovora,
- na pitanja Sabine Ćudić dostavljeno je devet odgovora.

Nije bilo komentara na dobivene odgovore.

Ad. 3. Prijedlog zakona o izmjenama i dopuni Zakona o Visokom sudskom i tužilačkom vijeću Bosne i Hercegovine, predlagatelj: Vijeće ministara BiH, sa zahtjevom za razmatranje po hitnom postupku, u skladu s članom 133. Poslovnika, broj: 01,02-02-1-141/24 od 16. 1. 2024.

Predsjedavajući je dao uvodne napomene.

Obrazloženje zahtjeva za hitni postupak dao je ministar pravde BiH Davor Bunoza.

U raspravi o zahtjevu za hitni postupak učestvovali su: Šerif Špago, Milan Petković, Safet Kešo i Darko Babalj.

Zahtjev Vijeća ministara BiH za razmatranje Prijedloga zakona o izmjenama i dopuni Zakona o Visokom sudskom i tužilačkom vijeću Bosne i Hercegovine po hitnom postupku, u skladu s članom 133. Poslovnika usvojen je s 29 glasova „za“ (iz Federacije BiH 21, iz Republike Srpske osam), četiri „protiv“ i pet glasova „suzdržan“.

Obrazloženje Prijedloga zakona dao je ministar pravde BiH Davor Bunoza.

O Prijedlogu zakona diskutirao je Šerif Špago.

Prijedlog zakona o izmjenama i dopuni Zakona o Visokom sudskom i tužilačkom vijeću Bosne i Hercegovine usvojen je s 30 glasova „za“ (iz Federacije BiH 23, iz Republike Srpske sedam), pet „protiv“ i dva glasa „suzdržan“.

Ad. 4. Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, predlagač: Vijeće ministara BiH, sa zahtjevom za razmatranje po hitnom postupku, u skladu s članom 133. Poslovnika, broj: 01,02-02-1-167/24 od 17. 1. 2024.

Predsjedavajući je dao uvodne napomene.

U raspravi o zahtjevu za hitni postupak učestvovali su Jasmin Emrić i Šerif Špago.

Zahtjev Vijeća ministara BiH za razmatranje Prijedloga zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine po hitnom postupku, u skladu s članom 133. Poslovnika nije usvojen – „za“ je glasalo 19 poslanika (iz Federacije BiH 11, iz Republike Srpske osam), „protiv“ 19, „suzdržanih“ nije bilo.

Prijedlog za razmatranje Prijedloga zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine po skraćenom postupku, u skladu s članom 133. stav (4) Poslovnika usvojen je s 20 glasova „za“ (iz Federacije BiH 12, iz Republike Srpske osam), 17 „protiv“ i jednim glasom „suzdržan“.

Nakon glasanja Domu se obratio ministar komunikacija i prometa BiH Edin Forto.

Ad. 5. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač: Vijeće ministara BiH, broj: 01,02-02-1-166/24 od 17. 1. 2024. (prvo čitanje)

Predsjedavajući je dao uvodne napomene.

Obrazloženje Prijedloga zakona dao je ministar pravde BiH Davor Bunoza.

U raspravi su učestvovali: Darko Babalj, Milan Dunović, Jasmin Emrić, Midhat Čaušević, Sanja Vulić, Milorad Kojić, Darko Babalj, Mladen Bosić, Šerif Špago i Mira Pekić.

„Za“ Prijedlog zakona o izmjenama i dopunama Zakona o državnoj službi u institucijama Bosne i Hercegovine glasalo je 15 poslanika (iz Federacije BiH), „protiv“ 14, „suzdržanih“ osam. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu zakona u prvom čitanju.

Ad. 6. Izvještaj komisije Kolegija o nastojanju za postizanje saglasnosti o prijedlogu da se Prijedlog zakona o Vrhovnom sudu Bosne i Hercegovine, predlagač: Denis Zvizdić, razmatra po skraćenom postupku, u skladu s članom 132. Poslovnika, broj: 01-02-1-2286/23 od 25. 12. 2023.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

Predstavnički dom, u drugom krugu glasanja, nije prihvatio prijedlog da se Prijedlog zakona o Vrhovnom sudu Bosne i Hercegovine, razmatra po skraćenom postupku, u skladu s članom 132. Poslovnika - „za“ su glasala 22 poslanika, „protiv“ 10 (iz Republike Srpske), „suzdržanih“ pet. Navedeni prijedlog zakona razmatrat će se u redovnoj zakonodavnoj proceduri.

Ad. 7. Izvještaj komisije Kolegija o nastojanju za postizanje saglasnosti o prijedlogu da se Prijedlog zakona o dopuni Zakona o strancima, predlagač: Nihad Omerović, razmatra po skraćenom postupku, u skladu s članom 132. Poslovnika, broj: 01-02-1-2349/23 od 25. 12. 2023.

Nakon uvodnih napomena predsjedavajućeg, nije bilo rasprave jer je završena na prethodnoj sjednici.

Predstavnički dom, u drugom krugu glasanja, nije prihvatio prijedlog da se Prijedlog zakona o dopuni Zakona o strancima, razmatra po skraćenom postupku, u skladu s članom 132. Poslovnika - „za“ je glasalo 20 poslanika, „protiv“ 10 (iz Republike Srpske), „suzdržanih“ sedam. Navedeni prijedlog zakona razmatrat će se u redovnoj zakonodavnoj proceduri.

Ad. 8. Izvještaj komisije Kolegija o nastojanju za postizanje saglasnosti o Izvještaju o provođenju zakona iz nadležnosti Centralne izborne komisije Bosne i Hercegovine u 2022, podnosilac: Centralna izborna komisija BiH, broj: 01,02-50-18-2408/23 od 25. 12. 2023.

Nakon uvodnih napomena predsjedavajućeg, nije bilo rasprave jer je završena na prethodnoj sjednici.

Predstavnički dom je, s 14 glasova „za“, 13 „protiv“ (iz Federacije BiH sedam, iz Republike Srpske šest) i 10 glasova „suzdržan“, usvojio Izvještaj o provođenju zakona iz nadležnosti Centralne izborne komisije Bosne i Hercegovine u 2022.

Ad. 9. Izvještaj komisije Kolegija o nastojanju za postizanje saglasnosti o Izvještaju o provođenju Opštih izbora 2022, podnosilac: Centralna izborna komisija BiH, broj: 01,02-50-18-2409/23 od 25. 12. 2023.

Predsjedavajući je dao uvodne napomene, nakon čega nije bilo rasprave, jer je okončana na prethodnoj sjednici.

Predstavnički dom, u drugom krugu glasanja, s 15 glasova „za“, 19 „protiv“ (iz Federacije BiH devet, iz Republike Srpske 10) i tri glasa „suzdržan“, nije usvojio Izvještaj o provođenju Opštih izbora 2022.

Ad. 10. Izvještaj komisije Kolegija o nastojanju za postizanje saglasnosti o prijedlogu zaključka poslanika Nihada Omerovića, broj: 01-02-1-2687/23 od 3. 1. 2024.

Predsjedavajući je dao uvodne napomene, nakon čega nije bilo rasprave, jer je završena na prethodnoj sjednici.

Predstavnički dom, u drugom krugu glasanja, s 21 glasom „za“, 11 „protiv“ (iz Federacije BiH jedan, iz Republike Srpske 10) i pet glasova „suzdržan“, nije usvojio prijedlog zaključka poslanika Nihada Omerovića.

Ad. 11. Izvještaj o izdatim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i roba posebne namjene za 2019. godinu i Izvještaj o realizaciji izdatih isprava za vanjskotrgovinski promet oružja, vojne opreme i roba posebne namjene za 2019. godinu, podnosilac: Vijeće ministara BiH, broj: 01,02-03-2549/23 od 8. 12. 2023.

Predsjedavajući je dao uvodne napomene. Nije bilo rasprave.

Izvještaj o izdatim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i roba posebne namjene za 2019. godinu usvojen je s 26 glasova „za“ (iz Federacije BiH 19, iz Republike Srpske sedam), pet „protiv“ i šest glasova „suzdržan“.

Izvještaj o realizaciji izdatih isprava za vanjskotrgovinski promet oružja, vojne opreme i roba posebne namjene za 2019. godinu usvojen je s 25 glasova „za“ (iz Federacije BiH 18, iz Republike Srpske sedam), dva „protiv“ i 10 glasova „suzdržan“.

Ad. 12. Izvještaj o provedenoj reviziji učinka o temi: „Aktivnosti institucija BiH na pripremi i nadzoru provođenja planova integriteta“, podnosilac: Ured za reviziju institucija BiH, broj: 01-16-10-2179/22 od 26. 12. 2022.

Predsjedavajući je dao uvodne napomene, nakon čega nije bilo rasprave.

Predstavnički dom, s 36 glasova „za“ (iz Federacije BiH 25, iz Republike Srpske 11), bez glasova „protiv“ i jednim glasom „suzdržan“, usvojio Izvještaj o provedenoj reviziji učinka o temi: „Aktivnosti institucija BiH na pripremi i nadzoru provođenja planova integriteta“, s preporukama sadržanim u njemu.

Ad. 13. Izvještaj o izvršenoj reviziji učinka o temi: „Aktivnosti institucija BiH na osiguravanju rodne ravnopravnosti“, podnosilac: Ured za reviziju institucija BiH, broj: 01-16-10-2675/23 od 21. 12. 2023.

Predsjedavajući je dao uvodne napomene, nakon čega nije bilo rasprave.

Predstavnički dom je, s 36 glasova „za“ (iz Federacije BiH 25, iz Republike Srpske 11), bez glasova „protiv“ i jednim glasom „suzdržan“, usvojio Izvještaj o izvršenoj reviziji učinka o temi: „Aktivnosti institucija BiH na osiguravanju rodne ravnopravnosti“.

Ad.14. Izvještaj o izvršenoj reviziji učinka o temi: „Uvođenje softverskih rješenja“, podnosilac: Ured za reviziju institucija BiH, broj: 01-16-10-2676/23 od 21. 12. 2023.

Predsjedavajući je dao uvodne napomene. Diskutirao je Darko Babalj.

Predstavnički dom je, s 30 glasova „za“ (Federacija BiH 19, Republika Srpska 11), dva „protiv“ i pet glasova „suzdržan“, usvojio zaključak koji je predložio Darko Babalj, a glasi: „Zadužuje se Vijeće ministara BiH da u roku od 30 dana Predstavničkom domu PSBiH dostavi detaljnu informaciju o 25 institucija koje nisu bile uspješne u implementaciji softverskih projekata, kako je navedeno u reviziji učinka 'Uvođenje softverskih rješenja'. Informacija treba da sadrži: naziv institucije, opis softvera, godinu nabavke, naziv ugovornog organa od kojeg je nabavljen softver, razloge zašto softver nije implementiran, vrijednost softvera (cijena plaćena ugovornom organu).“

Izvještaj o izvršenoj reviziji učinka o temi: „Uvođenje softverskih rješenja“ usvojen je s 35 glasova „za“ (Federacija BiH 25, Republika Srpska 10), bez glasova „protiv“ i dva glasa „suzdržan“.

Ad. 15. Godišnji izvještaj iz oblasti poljoprivrede, ishrane i ruralnog razvoja BiH za 2022, podnosilac: Ministarstvo vanjske trgovine i ekonomskih odnosa BiH, broj: 01,02-28-2721/23 od 26. 12. 2023.

Nakon uvodnih napomena predsjedavajućeg, diskutirao je Jasmin Emrić.

Predstavnički dom je, s 28 glasova „za“ (Federacija BiH 23, Republika Srpska pet), šest „protiv“ i tri glasa „suzdržan“, usvojio zaključak koji je predložio Jasmin Emrić, a glasi: „Predstavnički dom Parlamentarne skupštine BiH traži od predsjedavajuće Vijeća ministara BiH da, u saradnji s ministrom vanjske trgovine i ekonomskih odnosa BiH, u roku od 30 dana organizira sastanak s predsjednicima vlada entiteta i Brčko Distrikta BiH, te nadležnim ministrima za poljoprivredu i ministrima za finansije radi usaglašavanja i konačnog uspostavljanja modela IPARD-ove operativne strukture u Bosni i Hercegovini.“

Godišnji izvještaj iz oblasti poljoprivrede, ishrane i ruralnog razvoja BiH za 2022. usvojen je s 28 glasova „za“ (Federacija BiH 21, Republika Srpska sedam), sedam „protiv“ i dva glasa „suzdržan“.

Ad. 16. Poslanička inicijativa Predraga Kojovića, Sabine Ćudić i Aide Baručije kojom se zadužuje Vijeće ministara BiH i nadležno Ministarstvo sigurnosti BiH da, u roku od 60 dana od usvajanja ove inicijative, omogući uvođenje u upotrebu javnog sistema obavještanja o nestanku djece „Amber alert“ na teritoriji Bosne i Hercegovine“, broj: 01-50-1-2389/23 od 16. 11. 2023.

Nakon uvodnih napomena predsjedavajućeg u raspravi su učestvovali: Predrag Kojović, Milorad Kojić i Darko Babalj.

„Za“ poslaničku inicijativu Predraga Kojovića, Sabine Ćudić i Aide Baručije glasalo je 28 poslanika (iz Federacije BiH 25, iz Republike Srpske tri), „protiv“ šest, „suzdržana“ tri. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenoj poslaničkoj inicijativi.

Prije prelaska na tačku 17. dnevnog reda, predsjedavajući je predložio da se objedini rasprava o tačkama 17 - 23. s obzirom na to da je riječ o davanju saglasnosti za ratifikaciju materijala. Ovaj prijedlog prihvaćen je s 30 glasova „za“ (iz Federacije BiH 24, iz Republike Srpske šest), bez glasova „protiv“ i dva glasa „suzdržan“.

Ad. 17 – 23.

Predsjedavajući je dao uvodne napomene. Nije bilo rasprave.

Predsjedavajući je predložio da se objedini glasanje o tačkama 17 - 23. s obzirom na to da je riječ o davanju saglasnosti za ratifikaciju materijala.

Ovaj prijedlog prihvaćen je s 34 glasa „za“ (iz Federacije BiH 26, iz Republike Srpske osam), bez glasova „protiv“ i tri glasa „suzdržan“.

S 34 glasa „za“ (iz Federacije BiH 25, iz Republike Srpske devet), jednim „protiv“ i dva glasa „suzdržan“, data je saglasnost za ratifikaciju:

- Amandmana broj 2 na Ugovor o finansiranju – Koridor 5c, Počitelj – Bijača između Bosne i Hercegovine i Evropske investicione banke od 11. 11. 2014, izmijenjen 25. 9. 2018, broj operacije (SERAPIS br. 2013-0476), ugovor broj (FI br. 83.975),
- Memoranduma o razumijevanju između Vijeća ministara Bosne i Hercegovine i Vlade Ujedinjenih Arapskih Emirata o uzajamnom izuzeću od zahtjeva za ulaznu vizu,
- Sporazuma o finansiranju Godišnjeg akcionog plana za Bosnu i Hercegovinu za 2022. između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine,
- Protokola uz Sporazum o međunarodnom povremenom prijevozu putnika putničkim i običnim autobusima (Sporazum INTERBUS) u vezi s međunarodnim linijskim i posebnim linijskim prijevozom putnika putničkim i običnim autobusima,
- Ugovora o izmjenama i dopunama br. 1 na Ugovor o zajmu od 12. 4. 2022. (Zeleni gradovi 2 – Window II Vodovod Brčko) između Bosne i Hercegovine i Evropske banke za obnovu i razvoj (52273),
- Ugovora o zajmu (Koridor 5c – Projekat Mostar sjever – Mostar jug) između Bosne i Hercegovine i Evropske banke za obnovu i razvoj,
- Sporazuma o zajmu (Dodatno finansiranje za program integriranog razvoja koridora Save i Drine primjenom višefaznog programskog pristupa) između Bosne i Hercegovine i Međunarodne banke za obnovu i razvoj (95670-BA).

Sjednica je završena u 15.40 sati.

Sastavni dio Zapisnika je transkript 15. sjednice Predstavničkog doma.

SEKRETAR
PREDSTAVNIČKOG DOMA

PREDSJEDAVAJUĆI
PREDSTAVNIČKOG DOMA

Marin Vukoja

Marinko Čavara

